



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გაჭედილი

გაჭედილი, სოფელი მარტვილის მუნიციპალიტეტში (სამეგრელო-ზემო სვანეთის რეგიონი), ოდიშის ვაკეზე, მდ. აბაშის მარჯვ. მხარეს, მარტვილ-დიდი ჭყონის საავტ. გზაზე. თემის ცენტრი (სოფლები: გ., მეორე ბაღდა, მესამე ბაღდა, პატარა თამაკონი, პირველი ბაღდა, სკურდი). ზ. დ. 240 მ, მარტვილიდან 5 კმ. 427 მცხ. (2014).

სოფელი ცნობილია ულამაზესი გაჭედილის (მარტვილის) კანიონით, რ-იც მდ. აბაშაზეა. კანიონში აღმოჩენილია 75 მლნ. წლის წინ დედამიწაზე მცხოვრები ცხოველების გაქვავებული ძვლები. გ-ის კანიონი 2010 წლის 4 ოქტომბერს ნაკრძალად გამოცხადდა.
